

樊

山

續

集

樊山續集卷二十七

二家詞廣上

余與會稽陶君子珍同丁卯鄉舉初未相識戊辰秋與哲兄仲彝訂交乃讀君詩詞自是書問無虛月辛未試南宮君方居憂至甲戌始相見於都門稠人中直前握手曰此奎哥也眾皆驚笑由其秉姿秀異夙已飫聞故望而知之奎者君小名余與陶氏爲昆弟交於其羣從皆呼小字故也是時李悉伯民部師爲詞壇祭酒獨厚吾兩人有黃梅能秀之契嘗以兩家詞卷示潘文勤文勤答書曰兩生皆俊人陶詞是野橋一派體格大段成就樊詞稍淺而氣清他日必名家君見書不憚余乃自慙譴薄不懈益進舉文勤所見者悉焚棄之而君歿後

譚復堂同年搜集遺佚刻諸鄂中者則少作具在也君
天才奇逸篤嗜許鄭英辭樸學舉世高之顧其爲文專
工澀體樂府尤近夢窗每出一篇十色五光眩人心目
躡其踪由渺無定處屢舉樂笑翁七寶樓臺之喻以相
規切而君道然弗顧也道光緒辛巳君視湘學以愛歸
見於漢皋聯兩眠翦鐙星語出其湘軺集一再誦之
於是吾兩人論文乃如珀芥針磁訢合無間既又同
居鄂中書局謂余作靚深淡雅而亦自變其穠麗之
習康樂芙蓉盡謝瑀飾嘗手定蘭當詞三十餘闕皆清
真白石佳境無復綺縠之舊余篇篇評點心形俱服逾
年入都語悉伯師曰子珍近詞足傳矣自癸未冬別於
吳中遂成千古常感悉伯師之言欲刻三家詞鈔而秦

越間阻所忠之求卒莫能副僅以二家付梓間者藍洲
老友以鄂刻蘭當詞見寄且曰一簞之珠數尺之錦雖
復光采溢目而不足遠致賈人者爲其少也盍附入樊
山集以傳乎余得詞悲喜交集擷之則少作爲多迄於
湘輶集而止鄂游以後蓋闕焉夫以是編之綺情濃至
妍詞環密非不度越時賢高視一代特鄧將軍已受要
道而仍傳其捐棄之故技則吾意不能無憾也原刻百
二十餘首稍汰治其纖率僻澁者都若干首重鋟之而
以余近作六十餘闕附刻於後顏曰二家詞麈以別於
前者李樊之刻且竟余三家合撰之志嗟乎昔與君在
越綬堂過夏清尊畫燭錦瑟瑤篇送抱推襟樂而忘死
及居鄂局年皆壯大藍洲在彼復締歲寒之盟日月幾

何君與悉師琴城木拱而藍老亦睽離十七年矣世幾
方新舊人雨散山陽之笛能不痛心暑夕抽毫涕泗橫
集丙午夏五樊增祥序

蘭當詞

會稽陶方琦子續

菩薩蠻

金猊檀屑蠶絲炷青瑤屏角銀簪雨門外玉驄嘶與郎今別
離天涯芳草繡寶鏡眉山瘦飛燕是誰家雙雙銜落萼
梨枝綻雪紅鈴靜軟金簾外萼搖影偷理小銀釵秋眸一翦
光牢牢零翠恨淚雨燕支暈楊柳綠汀洲愁人正倚樓
游裙香侶無尋處笛牀又檢紅絨去日日繡芙蓉誰人憐繡
工官妝學紫鳳百禱香絲重春暖復春寒儂心兩揀看
瑤梭百段鴛鴦錦團窠夢霧紅蠶纈嬌態若容憐菱華空自

妍 畫幃金孔雀愁掩文鱗錦鴛語翦春煙銀箏細雨天
鈿裙瘦盡金胡蝶杜鵑庭院銀黃月春夢到江南杏萼如雪
寒 蓮壺沈夕水蠟炷香煙碎不見說相思相思曾幾時
鹿蔥萼發桃窗暖腮光題粉春紅怨山枕海紅衾君恩高復
深 綃屏香影彈青蚓文簾鎖愁絕拗蓮絲纏絲誰得知
綠莎煙碣琴螢苦梧桐金井牽瓊虎落葉一聲聲玉砧敲夜
星 同心盤百結六曲屏山疊珠露溼闌干有人羅袖寒
玉關一夜銀貂雪天山羌管冰萼裂淒劇是紅閨背人雙淚
垂 白狼音信遠掩抑涼州怨湛綠繡弓衣征人歸未歸

賀新涼

棟子萼開春夢闌索翦銍誦秀甲詞斐豔盪魄愴然
成解

檀炷紫鑪鼎傍細桃翠綃窗掩萼鈴風靜釵角玲瓏嵌紅豆
兩點眉山酸盡舉繡被雪猗蘇醒潮暈明明香蔻印映猩屏
瞞過雙蛾病慣畫到玉臺鏡 恹情漫把羅衫整最銷魂鉛
絲軟嚼蠻茸偷倩開老紅櫻春鎗夢零落都無憑準又新綠
蟲聲金井簾外吹笙三日雨最相思月底桐華影催繡屐步
蘿徑

鎖窗寒

寶騎鞭絲銀鷄綺鎖小樓人遠垂楊罨綠襯出亂紅千片記
蠡窗吹來靚絨研綾碎熨塗銀繭隔猩羅帳額偎萼兜燭幾
時親見 流眼吳綉翦偏粉靨顰深鈿窩歡淺香檀六疊紫
到金鵝執扇最憐佗香管唾囊小桃葉底鶯語軟對珠闌一
樹梨萼卻似春人嬾

高陽臺

題鄭市堂孝廉齋香拜月圖

紅荔吹殘銀薇熏罷玉鴉屏角雲深瘦蛩單蛩秋闌消息沈
沈擡簾蛤月纖眉窄露華濃悄上闌心儘銷魂嬾掃雙蛾嬾
拜雙星 相思不在天涯遠在兜鞵夢底燒燭苔陰翳鎖金
蟾虧他心字瓏玲香痕獺髓年年補賸曉痕鈿帶羅襟者涼
宵慢熨蕉紗慢理青琴

壺中天

秋日坐洗桐樓

秋江明媚界紅菱烏桕輕搖蘭楫蛤汊魚渦通曲曲都種水
荳萼葉江郭蟬聲雨睦牛背嵐翠橫千疊菰蒲涼夢暮雅流
水蕭瑟 最好十里青山稻蘂雪片圖影斜陽笠水閣蠡窗

新挂起紫笛誰家偷擲市尾沽鱸灘頭攔鴨黃葉林邊罍酒
醒月豔鏡湖吹醒仙蝶

生查子

春夢疊冰紈纖骨香桃鎖偷下棗藥幃吹煖銅蚪火 欲語
翠蛾愁故故雲鬢鞦不去理蠻箏祇索金錢篋

金縷曲

六陵

龍輶南行日痛當年羌塵伊洛山陵宵泣天水六更飛銀雁
縹緲紫金仙蹕歎雙匣珠邱奇劫香案影魚妖梵火痛茂陵
玉椀人闕出青髻事每淒絕 鎮南穢塢霾凝碧最蒼涼赤
山輦路蛻龍殘碣開徧冬青紅鴉淚染上斜陽無色定水轉
蘭亭嗚咽休唱禁煙苴母曲賸捧香一騎來寒食禾黍怨起

村笛

昔母初生詔禁
煙思陵北行句

念奴嬌

京邸感春寄故園諸子

紗窗酸雨又天街鈴鼓輭塵聲驟惻惻東風寒食了小燠翠
罌春酒鈿帳扶愁麗譙攔夢捱得淒涼敲黯雲鐙底累佗萼
影都瘦 回憶上已青山桃萼香海十里鵲唳後小扇倩衫
人影媚掩映畫舸楊柳已棹簾櫳亞帘城郭莫負春如繡烏
絲瑣寫指尖冷熨金獸

百字令

天津酒樓倚醉題壁

登樓一眺指南來北去江干車馬十里離亭偏祇在疏柳斜
陽之下瘦馬馱愁輕衫浣酒別路題東瀾金尊翠管把人胸

臆都寫 回憶三月燕臺春夢如雪寂寂珠簾下鏡裏天涯
飛絮影綠慘紅愁都罷僮僕悲涼風塵鹵莽此恨如潮瀉且
乘風去白雲中有親舍

疏簾淡月

坐留鶴食用上湖生簾陰韻

茶香綺膩問瑣綠疏窗春人涼未暮翠垣陰低罩層層萼氣
淺彈屏背添山黛翦冰絲麝心吹起半梢蟾影萼鐙雙照隔
紗偷避 似小住桃萼源裏想畫舫兜雲漪幰眾地滌了冰
甌墨暈小池苔水蛺衣粉薄和香睡貼銀幃煙夢零碎清宵
漏永滿階淡月沈沈山髻

眼兒媚

夢春天氣浴新鸞鳩語一杯酣曉山如畫柳絲如繡分上眉

尖 年年春去愁仍在綺夢懣今諸濛濛香海落紅如雨人
在江南

望湘人

宜州樊雲門同年

增祥

呂詩來索畫蘭漫題代禽

傍春鐙瘦影清滌畫甌墨萼吹醒仙蝶金觥扶香玉犀擲黛
託意羅衾紉簾倩影亭亭粉窗遙隔珍叢同惜供綺藝一翦
輕煙夢裏芳菲偷襲 贏得笛詞許擬算前身定是瀟湘萼
葉恨香草無言只賸淚痕飛溼纏絲春思銀屏獨立三島瑤
鸞誰拾算負卻綠硯青琴寫入離心稠疊

淮甸春

送家兄伯瑛之淮上

長江袞袞有羈愁萬斛舵牙吹送唱徧天涯芳草綠賸箇池

塘殘夢礙笛吹煙潮鐙煮雨熨碎螢萼凍水程飛楊嫩寒濃
和愁擁 遙念晚葉浮漚金焦千里袖底新詩貢千古英雄
淘洗盡空鎖江城鐵甕酒藥錢羶鑪簾裘脆彈鋏誠何用蠲
鴻聲裏此心先逐歸鞋

解連環

秋海棠用屠文漪韻同彥清

淚痕凝臉輸斷腸倩影較他深淺看琲露冷灑苔甃疑悄悄
嗁紅背人偷見乞借秋陰渾不似睡酣春院正顰煙恨雨瘦
燭涼鐙暗照星眼 牽愁碧紗乍遠賸伶俚傷寒蜨抱萼羞拚
是誰寫一抹檀心隔雁夢蛩莎靚香彈輭多少相思慣兜入
西風淒怨想離魂瑣碎幻出唾茸幾點

壺中天

人日對月

春宵如畫愛雪晴庭宇彎環初見萬瓦新蟾攤水影低卷綠
垣冰練綠綢簾心紅蠻榼尾疊勝雲箋染草堂退墨颿來鴻
爪應徧依舊柏鼎椒盤綺塵振觸瘦夢春人遠無賴吹笙
九月色長照去年人面雀茗煎詩蜜梅壓酒燒燭風光淺
前清嘯澹黃闌角微轉

瑞鶴仙

繡屏雲翠冷是生怕春寒漫熏芙鼎曉妝畫幃映隔軟金簾
子碧桃萼影春山小整又點點口脂香凝恨朱闌雪片楊萼
那有玉人來凭誰省鈿匳風貌錦瑟年華好春難等箏絲
倦聽紗窗外暗香暝者東風無賴燕支吹碎玉蝶雙雙夢醒
把眉山長聚鉛顰怎瞞明鏡

齊天樂

槐窠間蟋蟀和彥清

隔宵彈醒冰弦索鉤階和它蛩語繡綠苔地爛黃桐蠶腸斷
王孫歸處商音休訴配歌女泥簾絡娘星杼一點秋鎧金籠
聽織萬愁緒茜紗休間碎雨恨羅幃綺夢驚起鐘杵瓜當
霜酸豆尖月瘦偏有青衫偷數紅鈴品與賸琴尾么聲玉闥
愁女兒上秋心似蓮中荳苦

百字令

姚江朱子健同年以重修曝書亭詩冊索賦冊中如
張詩舲尚書孫平叔制軍馮勺園太史童萼君汪小
米諸先生各有繼作皆次集中索曹次岳畫竹垞圖
讀經通前修因成此解

千古祇東甌南粵浮生棲泊白首封侯無福分老去簪
綬堪託樂府黃鸝詞場青兕一笑旗亭樂銀筆紫筍莫愁快
意零落 試憶歲月滄桑畫箋退墨挹我無多酌江左文章
衰替盡應寶圭谿勝幙宰相衣冠經生蟬蠶今古埋邱壑風
流前輩靈心願叩犀角

冊首有阮文達詩又有句
園先生記爲林文忠所書

掃花游

遊戴園同仲修眉叔元同子虞均父松溪

暗香疊砌許扶夢重來討秋閒仁舊時煙嶼賸苔涼石瘦白

雲何處

園中池爲戴文節列節處文節臨
危時有撒手白雲堆裏去詩句

一抹紅闌只送斜

陽歸去敗荷渚颭水面小風輕墮鈴語 衫上痕幾許覩明

瑟華光亂蛩如雨秋聲冷豎記平泉割舍繇華前度煙影深

深悄卷畫窗碧縷款鷗侶漫句畱木樨香所

臺城路

題朱慕庵茂才西溪詩冊

畫中一角溪巒好蕭蕭古盒疏冷蕩葉簾心蘆花舵尾

交蘆卷向

在點綴秋衫人影涼煙繡鏡想鷗夢初圓屢聲驚醒一抹斜

陽晚嵐紅上打魚艇苔龕香火牢落歎詞仙何在誰薦山

茗琴畫前身漁樵野局笑攬青山同證

地爲樊榭舊居

袈裟初境遲

雪淡梅萼冷香吹靚

西溪梅萼最盛

料得詩人清遊煙月暝

同遊者仲修眉

叔均父鳳洲藍州虞

芥諸君皆有題詠

南鄉子

夜歸皋東

煙影水樓盞十里菱塘急艣鳴背郭江船纖月上簫聲吹冷
萼梢幾點星往事憶雲屏酒淺香殘夢乍醒青筇燒鐙聽

暗水分明愁似春潮一漾平

臨江仙

雨夕懷仲修眉叔鎮夫諸子并東幼眉紫霓

庭院沈沈人悄悄綠含如水簾心燒香閒理綠絳琴扶夢中
酒孤負到而今山黛銀屏吹墨暈嫩寒初上羅襟纏絲心
事被愁尋黃梅疏雨鐙黯小窗深

浣溪沙

七夕

小扇羅衫倚畫屏月眉初墮玉河明木樨影裏看秋星
靈鵲紅檣愁已渺冷螢銀燭酒才醒已涼天氣聽吹笙

瑣窗寒

和人詠聽事前垂柳韻

徑翠絲絲春愁似織亂鴛鴦曉飛棉吹上已恨天涯芳草憶
西風清弋水村垂黃那識春光好賸纏絲閣思翠陰一掬水
邊偷照知道東風掃認青瑣樓臺宮煙迴繞當年風度莫
怨玉容易老趁芳時長拂綺城入時眉攢憐未香祇不容穉
葉柔條識取離情早

滿庭芳

游南園答仲修

莫靄初收秋香已老幽屐小駐園林池心睡鴨低隔水陰陰
闌角玲瓏扶徧芭蕉暝催上嘯禽褰衣去叢篁吹雨何處理
瑤琴登臨當此地桂萼如霰飛上羅襟歎一晌斜陽流水
銷沈多少西風衰柳高閣外猶綰秋心流連處舊時萼石應
對韵山吟

南園爲純生先生故居韵山其詩樓名也

瑣窗寒

和仲儀月夜寄裏用玉田均

衫色扶秋簫聲散水清輝偷凭萼光
和月攪碎一鉤簾影卻誤他銷金蝶
來替燒明燭偎人冷又萼間玉漏沈
沈深夜木樨香盡露潤秋芳徑恨翠
窈窕香闌傭熏銀鼎家山楓葉孤負
幾番秋信指雲中飛過斷鴻長門數
聲何處等待霜宵深翦青鐙黯黯愁
難穩

臨江仙

宿王氏寓樓

宵醉欺人天未曙疏鐘飛度重城起
燒銀燭照霜明蜜梅萼底月黃得可
憐生驀地卷幰寒乍中擁衾重熨衣
棱尖風轉影玉鉤聲爲扶殘夢去幾
點小樓星

解連環

娛園紅梅一枝饒有春意

歲華將晚有陳苔一樹豔雲飛散好遲箇雪意濃時正石瘦
煙清冰慳香遠多少風懷但抵得疏紅幾點看月萼散采茜
裙人去曾照嬌眼謾愁好春冉冉怕吳兒省覺彈伊清怨
憐照水一撿清寒問玉笛新腔幾番吹轉說與人間算籬角
黃昏誰見任翠禽燕支噉冷玉鉤乍卷

采桑子

罽窗細雨香衾夢應繞吳城卻怕天明催醒梅萼小閣簾
不知今夜吳城客也夢銀屏扶起紅鏡來聽疏槐一樹聲

高陽臺

潞河望月

圓月通河明煙疏柳漫漫百里平沙玉臂清輝可憐水隔山
遮游驄古道黃塵靜祇江邊帆影橫斜莫回頭雨裏江南海
上天涯 人閒何事黃昏易想瓊樓玉宇丹桂初萼小影團
圓不知先照誰家當時未解嬋娟意度愔愔青鬢年華賸今
宵畫角荒雞水驛寒雅

鳳樓梧

春絮濛濛容酒病初換生衫吹上香塵冷料理餘寒天又暝
畫簾紅過桃萼影 小別相思愁未省誰道相思夢也無憑
準可有心情釵角並玉窗蟬子芙蓉鏡

浣溪沙

題雲門茗萼春雨填詞卷子

鈿葉茸幃攢笛遲玉幘香海有春知嫩寒江閣雨絲絲 好

是湘蘭流逸豔也教紅豆續春詞落萼如雪蜨醒時

蘇幕遮

細蟬鬆冰麝香一點紅絨比做楊萼小慢道三分春色好春
到三分便是春將老畫綃寒銀柱悄閒煞秋千那有人知
道燕子不來風雨到下了珠簾又怕黃昏早

蝶戀萼

碧樹斑騅嘶夾道點點紅絲篆曲銀屏照雙褶羅衾萼氣絳
春山作黛誰輕掃窈地文簾香悄悄玉麝成塵尙自和愁
擣華日天涯同一曉茜窗錯怨鸚哥報

欲寄當歸無處寄便不相逢卻有相憐意燭淚一堆家萬里
青鵲繡榻愁心砌夢到翠鈿朱戶裏爲恨瑤妃翦斷零紈
約付與釵頭穿茉莉隔窗又送香風細

花子同心椒合口多少情懷慢向閒人剖夢裏紅闌攜素手
雙雙金蝶夢前後紫鳳檀槽閒不盡錦帶回文嬾把鴛鴦
繡簾底春人簾外柳恩恩照影憐同瘦

小院黃昏涼滿樹一桁珠羅畫出愁千縷衫上淚痕前不去
人前道是黃梅雨秋水芳魂招幾許葉葉萼萼祇盼韶光
駐密字珍珠誰寄語相思燒盡紅檀炷

湘春夜月

題越縵先生沅江秋思圖

甚年年夢醒都在愁中幾點燕子春心憔悴到西風幾處灋
輝湘雨怎紫蘭江上不長珍叢柰楚雲萬里靈修漸遠何處
相逢靈妃那去珠簾秋水愁種芙蓉玉觥窗前曾幾見漢
皋珠佩香影恩恩瑤琴寄與渺水華都作秋容正望裏驚沈

思前事芳音遶絕波遠山重

浣溪沙

自題香草靈嬉冊子

墨蝶銀屏曉夢寒一枝春影寫纏綿
奈他香草總無言
賸有唾痕藏袖底不容嗔眼對華前
相思今夕況他年

臨江仙

秋宵離讌颯然雨至

芳事無多零落盡
鉤窗蕭瑟難聞酒邊漫話
別離身雨聲
燭淚都算是嗁痕
夢又未成香又滅
天涯幾箇黃昏
銀箏淒抑動春聲
乍涼天氣儂也乍涼人

夢橫塘

故園重九

酒衫秋老畫鬢香微小窗清醉蕉葉滿鏡黃華漫照我當時
顏色釵影簾絲黛痕筆柱那人知得歎年年重九冷落東籬
誰堪伴閒簑笠登高小凭湖樓望橫江飛漲憶到萼側玉
枕文幃偏冷尉墨紗秋蛩長虛度萸囊菊盞尙向西風問消
息誤盡芳時黃昏疏雨把銀屏吹溼

賀新涼

病坐窈窕

小閣炊茶鼎最朦朧萼窕綠暗夢深入靜偎枕閒愁如飛雪
一霎殘萼滿徑風幾度簾鉤敲醒黃月疏櫺團藥氣恨年年
秋怨年年病蓬鬢亂未須整芳華在再何曾省漫相思扶
筇中酒舊愁誰倩此夕香衾紅棉薄難度黃昏人定又幾葉
枯槐添暝萼幔沈沈香柚細聽釵尖長剔銀鐙影消瘦甚嬾

看鏡

一萼紅

雲門書來垂詢舊事春冉冉老矣箋愁識夢曷已於
言

坐萼陰正房藥水樣愁思入春深歸燕天涯垂楊院落芳訊
長被沈沈歎天遠春人更遠祇杳杳無地寄瑤琴雪片桐萼
晚風無賴吹上春心 前事昔悰都渺賸明箏鈿合夢裏相
尋蘭黛剛香珠塵咒影還怕青鳥傳音算此後蓬萊淺水照
絲鬢消瘦到而今莫憶萼前醉時曾墮牙簪

浣溪沙

雨夜讀雲門詞情意斐豔依聲成譜春思深矣

燕子挑萼冷玉簫箏絲摧抑度春宵明鐙簾幔雨瀟瀟 髣

影春江。顰眼處。唾脂黏黛。著難消。淒涼寒食似萼朝。
種出思相一點心。萬萼千葉。任銷沈。那知賺得淚痕深。飛
盡紅。絲風又。嬾梨萼。吹雪落。西潯夢中無路。忍難禁。

瑞鶴仙

黛萼兜翠幙。算幾點秋心。珠紈傷薄。珊幰漫輕掠。正文簽金。
蜨粉痕偷學。飛絲影。弱記繡幔春人。扶著怎深深。羅襪萼陰。
不怕暗香吹落。寂寞黃昏。庭院青瑣。萼枝溼煙。猶閣蘭櫺。
舊約青禽遠。恨難託。最可憐涼夜沈沈。金井彈冷。箏絲誰覺。
到今番。柳暝萼疏。聽吹畫角。

臨江仙

窈窕聽雨同內子

繡幙深深聞滴雨。銷磨煮茗功夫。熏籠吹火熨羅襦。春宵寒

似水長看玉釵扶。淒柳水鄉紅豆曲。做成心事模糊離愁。
偷話炙鐙初。問儂篷子背還似此聲無。

望海潮

塘棲晚泊

澄湖搖練明嵐間。黛遙天一抹晴霞。春水挂帆流波西去。枯
蘆吹緊寒沙。臨水幾人家。正江郵夕照分上漁艇杳杳平林。
空餘煙點酒旗斜。愁心祇隔窗紗。記前宵歸夢開徧梅萼。
萼底玉尊尊前玉笛。囀長負韶華。山隔又雲遮。奈故園春
草綠到天涯。倚柁西塘垂垂疏樹起。昏雅。

滿庭芳

京邸上已茗樓用舊歲韵索和

香陌春遲天街塵暗風信重作新寒。前裊天氣芳事杳釵鈿。

夕陽光何處天涯燕飛到簾前重來地金尊羅袖渾不似
當年休憐情緒減銀箏十二珠勒三千空牘箇寒宵來聽
號鵲腸斷青琴院落萼枝小誰煖春絲偏孤負南窪新柳一
抹夕陽天

越縵先生招
遊江亭不果

滿庭芳

五月十五夕同朱百夫侍講散步寓庭樹枝納陰涼
蟾如洗遲茗樓不至倚此齋懷

霄靄漫簾萼香膩舄小院深閉朱門暑蟾瑩皎碧宇燦流雲
滿地新涼似雨銀鐙底輕度黃昏玲瓏照瑤階羅韞微步上
秋痕難論鄉夢遠羅屏咫尺金鏡輕分盼綠綠青鸞怎遞
殷勤十二闌干水樣春去也聞了芳尊團圓影休憐今夕來
夕也銷魂

金縷曲

闌干和汪小竹

綺影勞重數隔珠簾
萼光低壓薄雲籠霧風裏雲絲扶不定
禁得羅衫浣露休說與前頭鸚鵡
畫徧相思成卮字一重重
抵作天涯路憐象曲此離緒
照人心眼看休誤也如儂柔
腸宛轉回來又去樓上玲瓏紅幾曲
倒映明波無數記月底
兜鞵何處曾倚萼深吹玉笛問何時
聞了梧桐雨琴沼畔慢
畱住

渡江雲

蕙梁以夢中意屬衍爲此詞

別愁無可奈
滿橋垂柳空裊萬絲金
年年離恨事多在天涯
多在小羅襟
棠萼萬里正斜陽
簾幙沈沈
休記得琵琶燈底

偷照淚痕深 沈吟前度事
絮光做雪香影吹棉算春心未
甚柰夢裏長亭玉笛分到秋心
相逢只認闌干路教關山何
處相尋尋不到醒來飛怨誰禁

高陽臺

秋柳

淺碧梳煙微黃舞月新來化作離愁
相憶春前深深飛絮紅樓細看
都是天涯影過東風還是淹畱
最迷離漫拂香車漫縮江舟
當時扶起珠闌曲正萼驄低繫
翠煖雲稠風水荒寒那堪攀折
纖柔熏香來聽江南雨恨絲絲
又下銀鈎最纏絲過了傷春
便到悲秋

賀聖朝

武林夜雨

水窗黯黯聞吳語最今宵淒楚羅衾成隻燭成單更一篷疏
雨長愁長病相思何處祇離悰難訴淚痕便似雨來潮向
那邊流去

滿庭芳

漢皋雨夜獨坐不寐

吹水量愁扶夢嬌夢可惜長度華年綠窗聽雨池館上新寒
門外東風海樣算今夕還有誰憐相思影銀鐙一寸空自照
簾前淒然誰似我繡衾微熨香佩空絨怕漢水東流不到
伊邊此去深閨萬里敲釵坐也自無眠屏山底疏蘭瘦竹和
淚滴涓涓

高陽臺

蕭寺聽雨同蕙梁茗樓薇壺作

離愁深流紅信杳羅衣嬾檢香熏細雨絲絲分明織就嗁
痕吳箋銀粉相思字渺愁心都化春雲記迷離此夕當年玉
管金尊 簾前便是天涯路算東風作冷夢底誰溫鐘梵滿
簾對牀猶認前塵青紗三尺芭蕉水點銀鐙各自銷魂臘令
朝蕭瑟寒窗共譜陽春

梅子黃時雨

爲王子猷孝廉畫蘭卽題扇端

十日東風銷綺夢乍回韶景初暖度客裏清明亂紅千點照
影明絲幰四角曾憐一顧春人眼萼枝瘦依約那時燭畔曾
見 休辨愁深愁淺便金尊鉶榼芳意都嬾好寫上香痕閒
吹金琰綠到瀛洲煙草色玉屏風底春光轉相思遠碧紗幾
枝新展

浣溪沙

姚江道中寄內子

短別輕愁認鏡痕。羅衾能有幾時溫。天涯夫婿似秋雲。夜雨開鑪熏柏葉，秋潮飛檣滯蘆根。不關簾底有黃昏。

清平樂

銀塘散馥。萼底人如玉。掩映秋羅衫子綠。卻在水荇闌曲。晚天涼暑初開。啾啾翠羽徘徊。怪道斜陽如水。白荷萼上風來。

小重山

塘灣夜機蕭瑟不寐

夜響叢蘆搖遠汀。空江殘電過。映寒青。汶邊疏竹上流螢。還道三兩樹梢星。別後記丁寧。誰知今夕客宿荒亭。天涯

若不隔羅屏水燈雨還算與儂聽

高陽臺

槐影雨夕

薄幔槐陰疏燈菊背聽來已是無聊何況天涯也應愁到今
宵銀燭飛霰青紗鏡甚年年羅袂香消者淒涼一度黃昏一
度魂消雲屏玉漏沈沈處算秋心砌徧只少芭蕉夢醒湘
衾分明水隔山遙重陽總有閒風雨奈離人不慣瀟瀟賸秋
聲葉底吟蟲樹底寒潮

蘭陵王

滬上見秋柳有感依清真叶

晚波直垂柳深深漾碧天涯路從此別離萬縷千條做秋色
寒雲拂故國誰識長亭旅客紅闌畔眉黛暗消冷照柔情水

千尺 追念昔時跡有綺蝶圍枝衣麝飄席相思細字春蠶
食容汎夢香海織愁絲雨飛鴻天際寫絡驛大江隔南北
酸惻思如積問金粉南朝幾處銷寂長隄繡幃香無極記溼
透羅袖畫樓吹笛頭番秋怨又點點玉露滴

齊天樂

鏡夢潞河道中作 際漁笙鏡子兩前輩

照人偏照天涯夜殘篝幾番挑過隴尾風聲馬頭標點猶自
垂垂珠朵芳心無那算紅豆深深相思如我不解成雙玲瓏
一點恨還可 紅闌此時無寐想繡檀慵熱寶鏡低鎖萼落
萼開宵長宵短都是被他催做蕊痕細瑣莫影裏裁衣衣邊
飛墮好似丁香結閒愁數顆

清平樂

馬頭曉發

曉霜飛徧怕聽輪蹶轉沙柳濛濛星幾點過盡野橋山店
西風作冷難禁離愁直到如今布被不教睡斃還論錦帳羅
衾

高陽臺

寓庭月色明皎新種碧桃海棠尙未展萼滿階萼影
輒復提觸

畫幔香疏粉牆雲寄輕輕蹋碎萼陰拂面東風餘寒猶自難
禁銷魂最是朦朧月卜金釵幾度沈吟慣天涯夢醒關山酒
醒羅襟重幰盼盡南飛燕奈瑤階響靜玉漏聲沈記得當
時碧桃萼底春深明蟾照徧鴛鴦瓦數相思直到如今最分
明一樣寒宵兩樣愁心

齊天樂

和雲門

東風幾日新寒緊池塘夢回芳草漢水春心荊岑翠羽偏隔
瑤瀛蓬島靈藁開早向幾曲東闌茜香吹裊舊日蛾眉暗思
還似鏡中貌銀屏依約見過比萼閒春雨珠淚猶少茸帽
封香笙囊補字不似當時衿抱韶光未老盼燕子歸來玉窗
頻笑十二朱闌繡絲看縹緲

臨江仙

臨洛關新月

幾日馬蹏行更倦使程屈指依稀天涯黃葉雁初飛亂山官
堞外斜日女牆西翠水瑤京回首遠燭邊還照宮衣香溫
茶熟不多時緋紅簾幔底新月似蛾眉

孤鸞

廷芳字太守贈湘江荷萼幾枝扶鋌照影香豔婀娜
搥觸舊思倚此寄懷

雙枝香澤是乍折嬌紅天然丰格絳粉明簾淺映玉容嬌色
宮妝似來水殿問鴛鴦幾時偷識憶得蓮衣溼盡素玉環無
力記舊時搖蕩蕩汀側見月佩風鬟依樣遮隔偏飲湘江
水許腕絲輕孽粉衫浥回冷翠怕此中露珠分滴相思銀塘
過雨算何人憐惜

瑤萼

湘妃竹

山疑雲彈輦琪樹瑤枝指班班嬌眼千竿清影還映帶繡帔
偷吹瑤琯蒼梧春冷料重來芳心難展漫睇人江上峰青寫

盡王妃幽怨 而今宛照瀟湘看水佩風璫疑黛深淺參差
翠葆應護好千古愁顰曉睡夢窈窕祇暗認鮫絲雙簾思
那時夢雨靈旗尙賸鈿釵敲徧

角招

曉行湘江山色未開濃靄益密比似秋霞晚岫光景
彌佳

曉巖遠重重細靄濃嵐點入秋淺鏡心妝乍見飛溼露萼螺
黛低泣溼濛翠嶽徧略許蛾眉偷展縹緲蘭風拂過有七十
二秋山照瀟湘江面 遊徧衡皋楚甸煙林彩旭遙射波光
綢錦帆流幾轉紫蓼青楓縈人心眼林樾夾岸更搖向櫓枝
柔輭怕有天涯望斷又低挂水窗幃汀萼倩

南浦

晚行衡江新月初上

流水汎篷葉更江楓陰罨汀蘭馥眇夾岸繫官帆晚波靜隔
鏡叢林深杳清湘九曲回腸曲曲和愁繞紅葉谿川如畫裏
在煙荒雲隋重重江上峰青映烝漪疑黛淡多濃少薄暮
悵蘅皋賸蕭瑟幾處露莎風蓼羅裳縹緲但添一點秋波照
貌得天邊眉子月偏比簾鉤纖小

惜紅衣

洞庭雨舟二日不得發沙痕雪意水窗黯然用李萊
老韻

密雨帆深尖風岸曲滿湖寒綠宵柝南津漁舟繞江屋蒼梧
黛點照翠袖天寒修竹空谷螺髻鏡中顰梅萼香獨寒雅
落木千頃平波遙連澧江北龍宮飛雪睡熟斷還續幾處暗

愁淘洗鐵戟鋪沙團宿聽江聲吞吐疑似翠瑤鳴玉

浪淘沙

蕭公廟聽雨

江驛雨脩脩愁坐寒宵早春心裏種愁苗祇種雙雙紅豆子
莫種芭蕉絳蠟繡簾飄檀蕊香銷澧江偏恨少歸潮淼淼
湘波流不到水隔山遙

十二郎

澧江道中依夢窗叶

遠隄漾碧浪淦淦溼煙乍凝指楊葉林塘蘋蘩江澈時傍魚
村盪艇數日春陰湖天雨夢做出愁心難定畱繡節翠牙寒
溪蘭葢畫中清境閒興還看葉葉錦帆臨鏡莫記取湘江
羅衫猶現長對溪蠻寫影幾曲畫波幾層嵐黛偏過楚皋春

冷凝睇又淡白雲光處處水幰團圓

二郎神

仲春武陵坐雨有憶

薄寒細雨偏織就一簾愁影憶蠡甲熏香猩茸封唾還對雲
屏畏冷摘碎燕支東風底除負了好春長病算水閣聽笙湖
陰試酒綠波搖鏡應省千山萬水別愁空凝洞口徧桃萼
靡蹤蝶夢誰許飛塵浣醒蘭浦涼雲蘿峰密翠遙想暮林煙
景怎遣得春水流紅淼淼盡谿聲靜

浣溪沙

續夢中句

官閣蕭閒意緒孤蒙蒙細雨有還無鍊香溫茗費功夫流
水入湘芳草遠春陰如夢杏萼初天涯今夕思模糊

玉漏遲

辰州使院東隅有綠蕉數本翠潤可愛府志引土人
謝鳴謙香蕉書舍記云學使者院芭蕉一株每當久
雨新霽香浮几榻閒清媚可翫蓋數百年物也倚此
解依夢窗叶邀蔚生珧仙和之

徧行蠻嶂路香枰映澗往桐團霧小駐春輶官閣靜同江浦
一角牆東蕉葉還青入綺窗朱戶歸夢阻畫衫新試綠天如
許 小院寂寂垂簾正竹暗禽曉茗溫人語翠几浮光暗裏
微馨聞數空記碧紗三尺漫涼照銀鐙愁訴陰滿宇長滴西
溪梅雨

宴清都

桃源道中

沿岸山光舊新雨霽繞林嵐黛堆亂空靈岫壑青溪幾曲絳
雲千片春禽隔竹偷轉縹緲處煙霏細望數重桑柘池田
濃陰罨畫圍轉 當時古洞煙霞仙鄉歲月漁父曾見桃萼
照影千山萬水問津應徧年華暗裏長換算空巖蒼崖碧澗
看急流何處停驂斜陽已遠

聞荆溪尚有
先徵君祠

清平樂

沅州使院夏晚次李越縵師初夏詞韵

沅南山氣官閣焚香地湘簾吳牀安曲几照見鏡中雙髻

雙髻

山爲芷
江勝境

澱金細寫烏絲卷簾殘暑收時小整羅衫紈扇晚

霞相對填詞

陽春

觀東湘水月圖湘山在麻陽縣治東志言一水相隔

閒以翠篠蒼松曲徑全陰重
藁徧覆清輝初上欲攬
無由未幾一鏡橫空波心四射迴光映壁林壑皆明
江上峰青媚人欲絕夷猶仰睇明若列眉迨夫薄靄
乍消清颺微至亭臺樓榭恍若動搖俯視城闔居然
下界因思荒巖僻壤清景如斯寫狀空靈觀深緬想
因倚一解以志翫契

錦江深銅渚暗綠繞幾重林谷迎面對湘山搖金碧水月低
漾紫羅幙暑汀飛馥風淺淺翠篁敲玉清景卻好臨明鏡雲
藍染成圖幅算溪端空靈添清籟長喚起沙鷗酣宿何人
憑闌俯唱望睂眉片黛遙續地近睂眉山
一作睂迷山萼亭恍倚澗曲更
觀出明星秋水鷺飛盼掩映圓蟾影波心盪綠

夜飛鵲

沅州使院七夕

迢迢望清漢流水無聲天宇映彩雲輕空階夜影漾明瑟露
華涼挹山屏離懷正惆悵地柰金麈銷麝銀燭妨鸚星河縹
緲甚天涯歲歲愁生行盡五谿深遠幾曲無江過香莖風
清魂到總無消處羅囊暗解綢帶新更碧紗靜卷照香漪玉
簾分明想釵華巾黛鉞樓寄盼更自多情

湘春夜月

湘簾和韻

傍疏櫳綠紗攢結相思眼底一桁微波淡蕩宛江涯掩映玉
階萼草甚晚汀煙雨不隔芬菲正熱殘冰麝香紋細印平暈
紅犀雪微香靄玲瓏乍對江上霞暉鏡閣明妝徧只許君
山山黛低照宮眉秋光水榭奈嫩涼月上羅衣更瑟瑟涼螢

暗度蘅皋風影鉤幔雙垂

前調

湘簾和韻

掩紗窗暑天情思昏昏幾度細熨桃枝萼氣暗銷魂攢住楚
鄉蘭畹悵玉屏吹絮驚過芳春算畫漪織就冰肌玉骨眠已
無痕銀牀挂鏡輕綃乍換低映妝顰八尺龍鬚奈未解已
涼天氣還著湘褰香深夢窈度玳幃金螭頻頻看手拂碧紈
扇子琉璃散水清照秋人

長亭怨慢

宣南坐雨獨理愁緒邀越縵復堂和

惱絲雨纏綿催冷棟葉清陰畫簾搖暝玉簾銀牀暗愁難似
夢時醒碧紗人靜誰倚煖紅檀鼎待唾袖微熏又卻戀餘香

猶賸 偏恨者天涯舞絮總與春心無定蘭情水盼解道是
鏡中夢影第莫憶月夜箏絲有攜酒扶愁偷聽怎奈得吹涼
執扇將秋先省

望海潮

夢中遊娛園

山窗初啟寒禽新囀冰萼淺匝銅瓶金杓暗香銀盤細火雲
樓悄坐無聲天色晚冥冥正綠梅萼底殘雪初星闌角燒鐙
女牆萼影上疏櫺 寒窗那處彈箏有江南夢杳京國愁醒
茸帳幾重溫溫香絮天涯總算漂零舊事任無憑但藥爐松
火閒數殘更青鬢絲絲寶匣相認未分明

同治庚午子珍將以所作金縷詞付梓求序於李恂伯
師師報書歷敘詞學源流而歸本於玉田清空質實之

論以箴其失且曰必欲付手民者卽以此書爲弁乃止
不刻而檀欒金碧婀娜樓臺之習弗能改也余初見君
自知弗如遠甚然服其才多惜其理少嘗曰吾詞唯恐
人不解君詞唯恐人解我誠傷於淺君毋乃傷於深乎
弗聽時同輩數十人皆出其下覩於儔才絕豔同聲嘆
服而都不求其所以然獨余自附諍友每舉似古人佳
語以質之曰不知筋力差多少祇覺新來懶上樓常疑
卽見桃花面甚近來翻笑無書何嘗費許多氣力著一
點痕迹故論詩則長吉不如香山論詞則夢窗不如玉
田斷斷然矣君詞如青琉璃映煙碣琴螢之屬皆深染
襟髣虬戶習氣昔宋景文作李靖傳云震霆無暇掩聰
歐公非之有札闔洪庥之戲願君勿效也君自是稍稍

改之君性韻和粹而皮裏陽秋少所許可獨心折於余
當作浪淘沙云好是畫衫金扇底一髻桃花余曰髻花
何由得到衫底又作天仙子云綠樹陰中紅葉徑余曰
葉生於樹既是綠樹其下安得有紅葉君皆應時刪薙
不以爲忤通籍以後所作漸入清真矣是時陶樊齊名
君語人曰雲門詞學自惡伯師外同輩無與抗者吾詩
詞皆不逮獨經學差勝耳其虛心如此自湘中歸乃盡
洗其糊粉之習而一歸於雅淡手鈔三十餘闕付余點
定蓋篇篇佳也身後乏人收拾此冊詞既精雅書復道
麗竟不知誰何攫去鄂刻最後十餘闕尙是其手定本
餘皆其吐棄者也雖然李賀樊紹述之詩與文絀於理
解而奇麗沈博江河萬古余少作雖清必不可存君少

作雖涇必不可廢才分相越舉隅可知君癸未與余分
手又逾年而後沒竟無一篇一詠則知雷電下取將者
不獨余所點定已也嗚呼是可惜已是可悲已丙午夏
五樊增祥跋

樊山續集卷二十八

二家詞賡下

弄珠詞

恩施樊增祥嘉父

二郎神

湘綺先生謁 行宮歸賦此志感次韻奉和

鵲鑪香案早熬盡殘灰金黍只阿母臨妝雙成輪值名字窗
間久署往日宮廊紅鸚鵡怎不共青禽飛去猶問訊翠華還
京安否學人言語 疑仁經時不見瑤池雙鷺方乘輿將至有二鶴雀
棲止宮樹經月不去甚歲暮蕭寒白頭庾信來唱江南玉樹我亦當年
麻鞋杜甫曾和早朝詩句又恰是鈿朵宮梅綻也綺窗非故

沁園春

效稼軒體留湘綺先生行

老子猶龍謂尹喜云華山去來甚來如孤鶴霜明雪淨去如
劍俠電掣雲飛六一仙人應憐蘇軾畫省黃昏對紫薇公歸
矣被官梅幾樹邀勒重回紅罍有酒如淮試重數中原文
武才笑少游兒女僅如紅藥本初兄弟難預青梅折柳休忙
宿桑猶戀更對南山勸一杯新豐酒累十觴不醉不醉無歸

前調

湘綺先生得詞後爲留一日再賦

登太華峰斬大王頭豈不快哉正蓋公接席曹醕可飲道林
升座謝塵能陪元度眞長三朝九見京尹原非輕薄才陽關
笛便南飛老鶴亦爲徘徊驪駒門外休催有百道言泉往
復回算建安七子惟公獨健野王二老捨我誰偕且盡今宵
天門冬酒後夜思量無此杯神仙客在蓮花墳上早寄詩來

鵲橋仙

裕堂因無子置媵非其志也代作一詞謝夫人

謝公嬌女溫郎外妹宛轉魚游春水七年同夢傍梅花盼不到
梅花結子姚黃在上離支在側聊博金萱色喜夢中誰送玉
麝來還只怕觀音是你

前調

代夫人答

青梅竹馬玉臺紗障成就神仙夫婦兩情如蜜透中邊渾不
識梨酸杏酢即醋字蓮花蓮子憑君採擷那用倉庚療妒若
將儂比玉觀音問卿可能持長素

念奴嬌

閨夏有憶用稼軒韻

步上卷少男二一
二
小年長日又桐生翠珥。蕩添瑤節鵲踏幽窗鈴索響猶記那
人心怯露葯畝紅煙荷滴粉玉貌何分別金香前事玳梁雙
燕能說。回憶京兆當年小眉親畫鏡底初三月別後青禽
來往字剛似雲羅千疊水驛芳梅津亭怨柳纖手都會折甚
時相見曉妝重看梳髮

前調

用前韻自題六十一歲小象二首

此翁六一是追陪。洛下耆英時節少。與浮榮多與健馬上飛
騰休怯如意天花官袍芳草全與人殊別樊南遺事西都士
女能說。應笑老去韋郎玉簫安在長憶人如月本領何關
歌曲事宛轉渭城三疊一范臨關百坡照潁朝士都心折清
朝看鏡一痕霜在吳髮

又

士當知足甚紫薇花畔更希旌節到老始知高處險安晚平

生情怯

到老始知高處險不如歸臥舊林邱鄭清之登六合寺塔詩也

雪白鰕魚霜紅橘樹

久與家林別放翁團扇風流時有人說

天意留取江南讀

書種子雙眼明如月案牘祇同風籜掃書似雲山重疊皓鶴

軒昂青松佩強羽鬣無摧折後身何似一規脈望如髮

金縷曲

詠八仙宮黃楊邀湘綺同賦

碧樹成連理記雙虬迎鑾伏地閏年庚子高不一尋橫十丈

展盡壺天彩翠剛援得玉清宮例

內務府奉 慈聖口敕改八仙巷爲萬壽八仙宮

太極昭陽留御墨算楊家不愧鵝黃字

宋詩昭陽太極無行路又見鵝黃上柳條

還勝似八公桂

城東舊是琴觴地二十年霜柯不改嚴寒

交契樹亦猶龍人不測常見青牛紫氣宮中供老子像早相送翠華歸矣縱使昆池灰盡黑更千年誰見蛟龍死人閱世亦如此

洞仙歌

四月二十五日夜翦燈讀書就椅上低睡比醒夜已過丙戲賦

遲遲玉漏正誰門深掩福剝荒雞夜將半把美人顏色比古人書明燭底禁得狂奴愛玩帷幃清似水執拂無人椅委玲瓏鎖相伴睡味美於餠手倦拋書問蝴蝶與莊誰辨試摺疊魂兒夾書中似一百年前白荷花瓣

水調歌頭

閏四月望梅雨新霽碧天如沐入夜月出大於黃金盆疏星繞之了無纖翳用坡公韻寫之

誰把玉臺鏡挂向碧雲天今年今夜不似鼠兒年天上
樓臺玉龜地上河山金鑄七寶合成全光采不能掩依舊斗
牛間 且停待雕檻坐石牀眠淒風苦雨都過纔放十分圓
誰向樓頭吹笛知有繡襦甲帳不怕雪霜寒起看碧梧影涼
露正娟娟

又

日暮倚修竹散步詠涼天素娥應是無恨玉貌似當年月照
闌干花影花底玉笙雙鬢清福幾人全霑捧夜珠出置我掌
中間 絳河轉銀燭炮未成眠人生離別何恨菱鏡有時圓
昨夜雙桐吟雨今夜兩星添柳人意判溫寒千里共明月持
此慰嬋娟

又

酌汝一杯酒還我有情天大江東去誰唱莫憶赤烏年終古
明珠一顆一任東西南北側面看成全誰寫廣寒照人在桂
叢間月中坐甯不勝雨中眠百年通算何止千二百回圓
滿地疏疏花影不似小樓昨夜吹徹玉笙寒花與月雙美掩
映竹便娟

又

碧海水皆立月姊自青天人間今是何世不似漢唐年喚醒
蟾宮一夢從此青青桂樹轉共樵材金玉斧爾何物久置廣
寒間且容我閒處坐醉時眠藥娥居處宮殿的的蕊珠圓
世界光明如許試喚魚龍起舞清極不知寒更與乘鸞子霜
裏問嬋娟

買陂塘

賦得白荷花瓣四首

是誰裁輕冰一片采蓮莫便忘藕湘波一勺剛盛住又學翠
盤珠走纔入手恰便似纖纖玉屢生來瘦素絲萬縷好纖就
相思隨他紅葉流出御街口 瓊瑤贈曾出雲羅小袖幽香
著袂如酒書中褪粉乾蝴蝶和汝百年長壽君信否君試問
梨霜梅雪誰長久蓮臺稽首願瓣瓣成花花結子結子賽
紅豆

又

恁纖纖兩頭兒起芳心收束無限吳儂錯認瓢兒菜怎把冰
綃輕換君試看看洛浦瑤姬羅襪浸波慰蓮娃手軟是底處
攜來并刀似雪劈破入蠶繭 堪憐處一約冰絲宛轉鴛鴦
湖上常見蓮房露冷從伊墜祇覺粉深紅淺分兩瓣算一瓣

儂心一瓣如卿面香薰不斷似雙合柔荑佛前禱告莫逐綺霞散

又

是天生銀船一葉宛然盛得愁住蓮衣落盡深紅色姑射冰肌偷覷雙白鷺莫當作銀魚隔浦賺將去小娟美人媚娥笑越女聰明三年湖上刻玉未成楷西風起一任飄煙墜露中流直恁容與凌秋好上銀河曲定有星妃乘汝清絕處便蝶作花酥也喫觀音素鴛鴦對語有蓮葉雙承藕絲牢繫未覺此心苦

又

障秋暉亭亭青蓋瑤華一二三朵無情有恨何人見月曉風清欲墮花雨過稱素手拈來微笑依蓮座不須贈我似新月

彎彎寒瓊一握乞與宵娘可 清涼界不放一塵紅泥藕船

縮本誰做輕綃疊雪鮫妃翦幻出化身千箇知得麼算梨瑣

梅纖爭似大昔人謂花難大者無過於蓮又張妝慵粉

鞦韆好持作韉板滿斟綠醕一酌九愁破

百字令

午詣極愛余洞仙歌收句因有白荷花瓣之作戲傳

曰若作一百年前白荷花瓣則更難矣老年選事戲

賦四關索兩君和

冰紗三寸舊書中往往夾花成腊真有白蓮花世界百歲不

生不滅世嘆難逢人憂不滿素女何修得玉河鷗鷺乾嘉以

後疏隔 猶憶天誕半尼恆星不見此夜蓮胎塢甲子倘從

麟筆起應是二千年雪蜚蝶成灰鴛鴦換世留此觚棱月寫

經鈔典將毋同貝多葉

又

屈金粟後數國初人物歷年三百此是百年前舊物猶遜悔
翁乾蝶瑋瑁雲斑玻璃冰老淡極衰宏血朝雲書至近時無
此花葉 爲問當日池中蛟龍安在惟汝無生滅四十餘年
能長我兄事藕花也得道士桃新丈人梅舊客汝中間立花
如解語試談大父游射

又

長圓長好算此花和月一般多福君子長生磚壓扁形似開
天白蠟若遇商賢或逢柱史當汝孩兒菊倚旌花瑞鳳池爲
汝湯沐 羣卉競祝期頤筠蘭榴桂百子千孫足倘與姚黃
爭九錫貴壽兩家分屬艾弟訓冰艾姑搗粉家世清如玉香

芸幾葉百年長伴書簾

又

花之君子較苔箋蕉紙更饒香澤人道吳宮西子命薄似輕
紗蟬翼我謂不然粉真長在萬古如冰雪息肌何術百年依
舊蓮壓須信惠子書中玉顏常有多自繙帛得怡府霜藤
虛白楮皆百年前物同此銀光粉色練袋螢枯青蠅蠹稿獨擅長
生訣蓬池前輩論科何止三十

二郎神

賦得白荷花瓣和午詒

不緋不紫是榜眼蓮花一瓣與脈望圈兒香芸葉子好結書
中伙伴露冷瑤房輕輕墜了不覺粉痕銷減將妃子玉魚剖
爲雙佩宛如冰片誰見無情曉月柳邊低黯算玉葉雲纖

鶴翎雪大無此瑤花峭倩書寄朝雲疊爲方勝也似素羅香軟待喚取白下莫愁艇子與儂方便

前調

賦得一百年前白荷花瓣和午詒

百花落盡只榜眼蓮花長好甚老去張郎臉霞紅褪猶著白衣待詔千歲遼東霜翎鶴算十倍雪兒難老嗟碧海有桑華池無藕損人懷抱偷照瑤池翠水宛然風貌想玉螭橋邊十全天子曾見風清月曉千朵鮮明南宮夜景一旦玉荷如掃且拾取舊日琪花一片佛前微笑

玲瓏四犯

再和午詒白荷花瓣

榜眼蓮花早懺盡紅情暗漬冰麝素靨含嬌禁得伯時描畫

西子粉爪留痕恁摘得玉瓢無靶想弄花香滿羅衣和著玉人歸也 歸來檢點鮫妃帕與書中銀蝶同化天然一翦瑤池雪那逐絳桃偷嫁絕似新月纖纖奈軟玉瘦無一把怕自今步步生蓮不在石榴裙下

前調

再和午詒一百年前白荷花瓣

榜眼蓮花早歷盡中書廿四番考太素光陰三萬六千過了曾見五世鴛鴦一輩輩白頭雙笑記一年一闌菱歌紅豆金箱不少 那回偷採芳齡小嘆蓮娃生子都老藏身粉指青編裏也抵中山一覺依舊淺水蓬萊想玉面皺紋羞照憶折梅同下西洲猶是玉臺初稿

菩薩蠻

池上

南山晚黛青於柳柳梢新月黃於酒羽扇鶴翎花角巾冰片
紗日斜池上立影似松身直波面一花新嬌黃十字蘋

又

官池不著沙汀鷺朱欄碧甃徘徊處天際過晴雲綠波光照
人啼花雙鴨小馴鹿依芳草蓋太綠荷圖咸豐當百錢

又

問余筋力差多少興來祇覺登樓好東面女牆低畫橋楊柳
齊插禾兼割麥鳥喚樊川北欲得畫師難青青數朵山

又

夏山蒼翠濃如滴亦如垂露宣城筆寫以畫中詩詩人似郭
熙池波萱草映鳳爪黃金嫩花外一連鶯學人吹玉笙

南浦

夏夜驟雨

銀河瀉地似錢王萬弩射江潮十二巫雲盡墨誰念楚蠻嬌
又似輕兵出塞波冰河鐵馬晚蕭蕭甚岸巾危坐兩行宮燭
紅影不勝搖 可是花奴聖手撒明珠萬斛打芭蕉一霎紅
簷聲細慢酒滴春槽料得秦娥今夜倚綵屏玉筍溼鮫綃自
那回別後鳳樓寒重朱唇不暖舊時簫

邊佛閣

長夏卽事

綠窗細雨花裏燕睡花外鶯語梅子黃否點湯漬蜜吳羹向
誰絮玉塘半畝明鏡照我來聽蛙鼓風柳低舞畫欄幾折斜
陽自來去 未放藕花白點點荷珠融碧露花遜葉香香風

吹粉驚且幕捲青油扇倚紅醋悄無人處看竹裏茶煙花杪
輕度只新蟾把人偷覷

前調

東堂月夜疊前韻

昨宵猛雨今夜碧月來共鷗語茶夢圓否欲圓又破梁間燕
兒絮小園一畝梧竹影裏窺見河鼓風葉掀舞小荷墮粉徘徊
不能去 夜久葛巾溼髻髸瑤階生白露風嫋髻絲清於
池上鷺且一薦冰風薄點梅醋畫檐深處有點點流螢簾隙
偷度照青編任人看覷

齊天樂

鏡花和蘭當韻

玉缸掠我看花眼昨宵已曾開過淺淺垂春深深照夜暗結

連珠雙朵閒愁無那算小草紅心有情如我未忍挑伊依前
戴上玉釵可 紗窗又催月上正蛩鳴粉壁蟾嚼金鎖網戶
蛛靈填河鵲喜好夢都憑伊做青扉玉瑣憶寶炬宮蓮自天
飄墜莫誤相思當他紅豆顚

蘭陵王

灞橋感柳用清真韻

晚煙直橋下羅紋水碧長亭柳曾繫玉驄金縷依依可憐色
成秦豈異國人識新豐倦客東風裏一擗楚腰抱月飄煙不
盈尺 驟裏去無跡嘆不似江南長見帆席華林嫩葉春蟲
食隨渭水東去嶽蓮西指雨迎煙送四五驛直靑到河北
惻惻綺愁積似搖落江潭一樣淒寂花開陌上春無極奈拗
頸橋畔數聲風笛春闌紅淚共夜雨枕上滴

戀繡衾

十三箏柱金雁飛晚妝慵雲髻半頽甚黃昏朱簾猶卷待銜
花雙燕未歸起看新月西廊下被東風吹冷畫衣慢兜回
茜窗深處熨泥金裙帶寫詩

前調

夏閨四解

綠陰如幄籠翠煙餽安榴一點更妍怪朝來么紅不見被春
人簪上髻邊花窗兩面鑲雲母似吳中煙浦畫船繡簾間
一彎碧月學文君新畫遠山

又

織花湘簾青玉光悄無言茉莉自香是渠儂雲鬢曾戴共玉
釵偷卸枕旁白團扇畫乘鸞女引清風肌雪自涼玉池心

鴛鴦偷笑納涼人長是淡妝

又

華清出浴雲鬟偏貼蜻蜓紅瘦小蓮甚竹爐候湯猶嫩繞東
牆雙鶴避煙黃梔花下哥鬢盡試新葺雙井雨前斂雙蛾
將顰還笑指冰槃梅子帶酸

又

瑤華池上金鱗魚唼圓荷盤露瀉珠俯清漪金釵欲留睡起
來雲鬢亂無雙鴛來往青苔地小紅欄纖手自扶怪昨宵
五更微雨損芭蕉葉上草書

江城子

碧玲瓏館女兒居臉紅芙蓉鴉雛別又三年詩格似唐初自
寫明河篇一紙學織女寄黃姑青鸞信息幾曾疏贈明珠

報瓊琚君問簪花小字倩誰書向道是儂剛不信甯更有女相如

前調

余自庚寅去吳辛卯再入關遂無復東游之望煙波畫楫渺若隔生每至暑月紅藕作花輒取鐵崖西湖竹枝竹垞鴛湖棹歌誦之以寄汀蘋之興憶年十一二時初得青邱集朝夕吟翫至芙蓉裙衩最宜秋一詞愛不忍釋比稍長知明詞非樂府正宗乃復屏去而此詞以兒時熟誦至今不忘丙午五月雨中見盆荷始胎纖麗如筆根觸老懷婆娑迷煙夢乃依青邱韻作採蓮四闋用攄瑤想並寄南中親舊使知簿領中人無一日不意在五湖也其詞曰

滿衣風露兩眉秋。板橋頭。小蘭舟。朵朵緋霞葉葉翠雲流。驚見吳娃紅粉面，比花俊，替花羞。菱歌聲繞十三樓。勸儂休。要儂留。從古採蓮故事，起蘇州。七十二鷺鷥花底，睡渾不帶一分愁。

又

明眸翦水一泓秋。驚回頭。促移舟。窄窄杏紅衫子，自風流。盪入荷花深處去，怕人見，人羞。泊舟夜傍酒家樓。倦還休。去還留。趁逐秦淮一水，到真州。江北江南花不斷，何處有別離愁。

又

芙蓉江上一篷秋。趁潮頭。轉蓮舟。誰引錢塘水入裏湖流。教唱沈郎新樂府，纔上口，恰含羞。沈自誠西初竹枝詞云：若爲移得湖山去，湖水江波一處流。

流朱竹垞以爲鐵崖而外此爲第一

越娃居處水明樓雨中休月中留奪得

吳宮西子付杭州說到西湖花色好吳苑女一時愁

又

盈盈紅粉露房秋轉船頭避來舟約略年初十五最風流摘得荷花低障面纔強笑又佯羞江南臨水盡朱樓欲歸休

此間留

余夙有卜居江浙意

笑指嶽蓮十丈是吾州欲引江船來入渭

雲樹隔使人愁

角招

雨後涼甚銓下讀蘭當詞慢賦

了無暑南來幾兩梅風吹霽虹雨博山煙一縷輕度魀窗縈

帶芳樹羅衣楚楚添半臂泥金剛殼

叶

玉簫龍鱗似水仗六

曲畫屏風把新寒防護

分付蘭缸麝炷薔薇盟手重展金

磨譜

子珍樂府舊名金磨詞

畫蘭吳下女轉作詞人隔煙低語

悉伯師嘗云子

珍前生定

涼花泣露問笙鶴瑤天歸否

叶

淚燭紅深幾許渾

不似綠桐陰橫琴處

子珍昔眷二小伶一善琴一善琵琶所居曰桐花館

湘春夜月

湘簾和蘭當詞

問湘筠帶來多少啼斑織就萬縷冰絲淺淺濛情澗裏面看
人不了甚外邊窺玉如月籠煙與月中花影風中粉絮終日
纏綿梳頭未竟石榴一點紅透儂邊

宋詩石榴一樹透簾明

燕子猜

詳誰扶起洞庭春水低挂南簷深深翠地放玉鉤銀蒜長閒
算好物宜詩宜畫闌干和汝無限流連

前調

湘簾和蘭當詞

可紅牀一方軟碧琉璃付與玉貌湘娥纖手弄明漪五月清涼無汗稱水晶雙枕杏子單衣傍畫屏猩色龍鬚錦褥天未寒時疏簾掩映舒雲捲雨來共枰棋細浪龍鱗還帶得斑斑紅淚涼沁冰肌銀缸照夢夢君山淺畫秋眉算綠玉簪篸最好莫鋪蕉葉休織桃枝

瑤華

詠湘妃竹次蘭當韻

雲中青鳳輦綽約靈妃試偷開啼眼叢叢煙篠堪截作碧玉茗華仙瑄青降江上杳難逢宮眉春展把御鑪金鴈香斑寫入竹枝哀怨蒼梧一抹橫雲任倚徧修篁羅袖寒淺紅蘭泣露還仿佛慢轉秋波嬌眊璣宮夜泣可織得銀牀冰簟勝後來宴冷瑤池苦竹黃雲歌徧

蝶戀花

甲戌會試場前寓長巷寶勝西棧一夕與汝翼仲彝
子珍聯句作蝶戀花詞既成匿其名使彥清辨之讀
至收句云牆外柝聲如雨送天涯剩箇愁人聽彥清
曰此必子珍作也相與大笑此詞不入東溪樂府今
擷蘭當詞亦亡之補成此解以助詞話相距三十三
年曩同舍七人秋伊子珍伯循汝翼皆早世獨余與
仲彝薨玖在耳言之悵然

小巷梨花風色暝別院金箏彈得春愁醒

同舍有善箏者

病酒慙慙

冠不整銀缸扶上斜簪影

幾帙殘書堆作枕強起窺簾缺

月娟娟靜牆外柝聲如雨送天涯剩箇愁人聽

前調

前詞旣成愴恨無已再賦一闕寄仲彝昆季

京洛少年花比俊三十三年多少看花恨人物風流淘洗盡

愁人一箇今還賸

兄弟天涯煩問訊南海西江

龍改在粵仲彝在嶺

共指吳霜鬢往事淒涼誰記省風前飛過楊花影

高陽臺

甲戌京邸子珍以所作高陽臺詞爲人書扇其過變
云相思不在天涯遠在兜鞋花底燒燭苔陰汝翼誦
之幾欲俯首至地其實全篇頗傷堆垛非其絕作也
子珍高才盛名自余與悉師復堂外諛者爲多又天
不假年轉塵之悲限以四十故所詣止此然自湘軺
以後詩詞皆淡遠明逸今所刻盡於光緒辛巳又三
年而玉棺始下而所作無傳焉致可傷矣連夕讀蘭

當詞少年綺影宛在燈下因取此調依韻和之以志
吾悲

漬酒陶巾鈔詩段襖淚紅比燭還深淺土稽山誰從玉海鈎

沈早將身作瀟湘水寫紅蘭萬種愁心

君喜畫蘭極以前身是瀟湘水六字題之

論詞人詞是秋花人是秋星飄飄不盡淺雲意欠勒銘碣

石頌鼎汾陽傳唱人間惟餘散水瓏玲

曲名

當年賭畫旗亭壁

舊酒痕猶在吳襟剩今宵夜雨鐙前獨抱牙琴

浣溪紗

余昔以此調寄子珍述春明舊事今閱蘭當詞和作
具在而原作亡矣補賦

鈿轂輕雷聽未訛雪衣初報玉人過深愁淺笑認梨渦暫

解修眉今夜鎖慢回嬌眼去時波新詞分付管兒歌

又

雨浴新蟾茉莉香輕衫小扇墨君堂九枝燈發綠荷光笑

指星河初七近慣禁風露五更涼歸時分與薄羅裳

于珍舊

妻之目悉師作尉遲叔調之余詩亦用墨君字于珍以濃墨塗抹余曰豈不元之又元耶舉座喧笑至今思之祇增怛

前調

出浴仙娥畫不成斷紅雙臉黛眉青燒香拜月到中庭方

錦褥邊三日麝輕羅扇底一星螢夜窗還課藕花經

鷓鴣天

東園

小閣東園學種瓜粉牆遙帶竹籬笆雨肥碧玉蛾眉豆風折

黃金鳳爪花

香徑轉綠陰斜堆庭苔石長鬚牙外間不識

汾陽宅

薛著爲汾陽王府

道是襄陽米老家

洞仙歌

賦得摺疊魂兒夾書中間載傳作此題匿稿不出戲

作四首

書窗睡美有詩魂一縷搖曳雲屏最深處莫從風飄蕩任意
東西倩黃嬾試把輕狂約住小如花葉樣欲寄朝雲其奈
芳期牡丹過叶疊作一封書付與嬾環渾不怕烏龍驚汝任
游徧百城似穿花待蝴蝶歸來漆園方寤

又

詩魂何似似銀雲一片白藕花邊倚風颭算青燈照我五十
三年余九歲始入塾今五十三年矣書叢裏栩栩蘧蘧見慣卷舒羅袖底
又似桃根新買蘇杭聚頭扇關鎖玉臺中新詠鈔成徐郎在
夢中偷看便雪案埋頭過今生料脈望和卿也都情願

又

詩魂何似似香羅繡帕疊雪含風置書架總螢囊蠹簡夜夜相依從不放虛昂星期短假先生春睡美鎮壓犀株百八鐘聲要輕打比似蛹中蠶熟到三眠神仙字三番食罷倘倩女相逢硯屏邊也消得書中玉顏如畫

又

詩魂何似似玉鑪香穗妙得非煙似煙意任拈花女手疊作簌綃也當汝貝葉蓮華一類青編應戀汝汝戀青編似在鴛鴦錦衾裏璫玳篋中眠徧體文章應不減鳳皇都麗把張果白驢借卿騎看躍出巾箱回翔天際

蝶戀花

立秋日雨

未立秋前秋已到到立秋時秋比春寒峭天若多情天亦老

一年祇覺晴天少

古樂府以晴作情以星作心之類甚多

雨滴梧桐枝上鳥

一葉一聲葉落無人掃池上紅蓮如筆小鴛鴦慣打相思稿